

ილიას სახელმწიფო უნივერსიტეტი
მეცნიერებათა და ხელოვნების ფაკულტეტი
საბაკალავრო პროგრამა: საფრანგეთისმცოდნეობა
(ძირითადი და დამატებითი სპეციალობა)
კურიკულუმი

ფაკულტეტის დასახელება	მეცნიერებათა და ხელოვნების ფაკულტეტი
პროგრამის დასახელება	საფრანგეთისმცოდნეობა (ძირითადი და დამატებითი სპეციალობა)
მისანიჭებელი აკადემიური ხარისხი/კვალიფიკაცია	ჰუმანიტარული მეცნიერებების ბაკალავრი ფრანგულ ფილოლოგიაში BA in French Philology
პროგრამის ხანგრძლივობა (სემესტრი, კრედიტების რაოდენობა)	8 სემესტრი, 240 კრედიტი (1 კრედიტი - 25 საათი): <ul style="list-style-type: none"> • ძირითადი სწავლის სფერო - 120 კრედიტი • თავისუფალი კომპონენტი: ზოგადი მოდული - 60 კრედიტი; • დამატებითი პროგრამა/თავისუფალი კომპონენტი - 60 კრედიტი
სწავლების ენა	ქართული
პროგრამის შემუშავების თარიღი და განახლების საკითხი	პროგრამა შემუშავებულია 2011 წელს, განახლებულია 2022 წელს. პროგრამის განვითარებისა და გაუმჯობესების მიზნით მისი განახლება შესაძლებელია ყოველი სასწავლო წლის დასაწყისში.
პროგრამის ხელმძღვანელი	პროფ. მზადო დობტურიშვილი
პროგრამაზე დაშვების წინაპირობები (მოთხოვნები)	
პროგრამაზე ჩარიცხვის მსურველს ჩაბარებული უნდა ჰქონდეს ერთიანი ეროვნული გამოცდები საქართველოს განათლებისა და მეცნიერების სამინისტროს მიერ დადგენილი წესის შესაბამისად.	
პროგრამის მიზნები	
საფრანგეთისმცოდნეობის საბაკალავრო პროგრამა მოიცავს ფილოლოგიის დარგის ორ ძირითად მიმართულებას - ლინგვისტიკას და ლიტერატურათმცოდნეობას.	
მისი მიზანია მოამზადოს ფრანგული ფილოლოგიის კონკურენტუნარიანი სპეციალისტი, რომელიც / რომელსაც: <ul style="list-style-type: none"> • დაუფლებული იქნება ფრანგულ ენას, როგორც საკომუნიკაციო საშუალებას; • ექნება საბაზო ცოდნა ფრანგული ენის სტრუქტურისა და მისი სისტემური თავისებურებების შესახებ; • დაუფლებული იქნება ფრანგულენოვან ლიტერატურას, საფრანგეთის კულტურასა და ისტორიას; • ფრანგულენოვან ტექსტებზე და დისკურსებზე მუშაობისას შეძლებს განსხვავებული ტიპის ტექსტებისა და განსხვავებული ჟანრის დისკურსების ანალიზს კულტურული, სოციალური და ისტორიული კონტექსტების გათვალისწინებით. 	
ამასთან პროგრამა ორიენტირებულია ისეთი ტრანსფერული უნარების განვითარებაზე, როგორცაა ეფექტური ზეპირი და წერიტი კომუნიკაცია ქართულ და ინგლისურ ენაზე, კრიტიკული ანალიზი და არგუმენტირებული მსჯელობა.	
სწავლის შედეგები	
კურსდამთავრებული / კურსდამთავრებულს: <ol style="list-style-type: none"> 1. შეუძლია დაასახელოს და აღწეროს თანამედროვე ფრანგული ენის ძირითადი მორფოლოგიური, სინტაქსური, ლექსიკური და სტილისტური კატეგორიები; 2. შეუძლია ფრანგული ლიტერატურის ისტორიის ძირითადი პერიოდების ჩამოთვლა, მნიშვნელოვანი წარმომადგენლების რჩეული ნაწარმოებების სიუჟეტების / თემატიკის და მთავარი ტენდენციების აღწერა; 3. შეუძლია აღწეროს საფრანგეთის კულტურისა და ისტორიის უმნიშვნელოვანესი მოვლენები; 4. შეუძლია სხვადასხვა ტიპის ფრანგულენოვანი ტექსტისა და სხვადასხვა ჟანრის დისკურსის კრიტიკული ანალიზი და ინტერპრეტაცია; 5. სხვადასხვა ტიპის ტექსტებსა და სხვადასხვა ჟანრის დისკურსებზე მუშაობისას წარმატებით იყენებს ლინგვისტური ანალიზის და/ ან ლიტერატურათმცოდნეობითი მეთოდების ელემენტებს და შეუძლია მათი გაანალიზება ისტორიული, სოციალური და კულტურული კონტექსტის გათვალისწინებით; 6. ფლობს ფრანგულ ენას B2 დონეზე და შეუძლია შესაბამისი სირთულის დარგობრივი და ლიტერატურული ტექსტებისა და დისკურსების გაგება, ინტერპრეტაცია და თარგმნა; 7. შეუძლია სპეციალისტებთან და არასპეციალისტებთან დარგობრივ საკითხებზე ზეპირი და წერილობითი 	

კომუნიკაცია და არგუმენტირებული მსჯელობა;

8. სწავლის პროცესში შექმნილი კომპეტენციების საფუძველზე შეუძლია საკუთარი სწავლის პროცესის დამოუკიდებლად მართვა, ინფორმაციის მოძიება და მისი დამუშავება.

სწავლების მეთოდები

- ლექცია;
- სემინარი;
- ანალიზი და სინთეზი;
- პრაქტიკული მეთოდი;
- დისკუსია / დებატები;
- დემონსტრირების მეთოდი;
- ელექტრონული სწავლების ელემენტები;
- გონებრივი იერიში;
- ჯგუფური მუშაობა.

სასწავლო კომპონენტების სპეციფიკიდან გამომდინარე, პროგრამის განხორციელებისას შესაძლოა გამოიყენებოდეს სწავლების სხვა მეთოდები, რომლებიც წარმოდგენილია კონკრეტული კურსების სილაბუსებში.

პროგრამის სტრუქტურა

საფრანგეთის მცოდნეობის საბაკალავრო პროგრამის სტრუქტურა:

- თავისუფალი კომპონენტი: ზოგადი მოდული - 60 კრედიტი
- ძირითადი სწავლის სფერო - 120 კრედიტი
- დამატებითი პროგრამა/თავისუფალი კომპონენტი - 60 კრედიტი

ზოგადი მოდული - 60 კრედიტი:

- შესავალი თანამედროვე აზროვნებაში I, II – 12 კრედიტი
- აკადემიური მუშაობის ტექნიკები - 6 კრედიტი
- სტატისტიკა - 6 კრედიტი
- ინგლისური ენის კურსები - 24 კრედიტი
- შესავალი კურსები - 12 კრედიტი

ძირითადი სწავლის სფერო - 120 კრედიტი:

- საფრანგეთის მცოდნეობის პროგრამის სავალდებულო კურსები - კოდით - HUMFRGEN – 72 კრედიტი
- საფრანგეთის მცოდნეობის პროგრამის სავალდებულო-არჩევითი კურსები კოდით - HUMFR- არანაკლებ 42 კრედიტი, მათ შორის ენის პრაქტიკული კურსები
- საფრანგეთის მცოდნეობის არჩევითი კურსები კოდით - HUMFR – მაქსიმუმ 6 კრედიტი

სურვილის შემთხვევაში, სტუდენტს შეუძლია არჩევითი კურსებისათვის განსაზღვრული 6 კრედიტი დააგროვოს HUMFR სავალდებულო-არჩევითი კურსების ბლოკიდან.

დამატებითი პროგრამა/თავისუფალი კომპონენტი - 60 კრედიტი

შეფასების წესი

შეფასება მიმდინარეობს 100 ქულიანი სისტემით. ქულები ნაწილდება და ისაზღვრება შემდეგნაირად:

- (A) ფრიადი - შეფასების 91-100 ქულა;
- (B) ძალიან კარგი - მაქსიმალური შეფასების 81-90 ქულა;
- (C) კარგი - მაქსიმალური შეფასების 71-80 ქულა;
- (D) დამაკმაყოფილებელი - მაქსიმალური შეფასების 61-70 ქულა;
- (E) საკმარისი - მაქსიმალური შეფასების 51-60 ქულა;
- (FX) ვერ ჩააბარა - მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
- (F) ჩაიჭრა - მაქსიმალური შეფასების 40 ქულა ან ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

შენიშვნა: შეფასების კომპონენტები, მინიმალური კომპეტენციის ზღვრები, შეფასების კრიტერიუმები და მათი ხვედრითი წილი წარმოდგენილია სასწავლო კურსების სილაბუსებში.

დასაქმების სფეროები

- ზოგადსაგანმანათლებლო სკოლები (ერთწლიანი მასწავლებლის მომზადების საგანმანათლებლო პროგრამის (მმსკ) გავლის შემთხვევაში);

- საერთაშორისო-კულტურული ურთიერთობები - საელჩოს/საკონსულოს თანამშრომლად;
- საერთაშორისო ორგანიზაციები, ფონდები;
- სოციალურ-ჰუმანიტარული და ბიზნესის სფეროები - თარჯიმან-რეფერენტად;
- საჯარო სექტორი: საგარეო საქმეთა სამინისტრო, კულტურის სამინისტრო;
- კულტურული ტურიზმი;
- არასამთავრობო სექტორი;
- საგამომცემლო დაწესებულებები: რედაქციები, გამომცემლობები;
- მასობრივი მედია და ჟურნალისტიკა: ფრანგულენოვანი გაზეთები, ჟურნალები, ტელევიზია, რადიო და ახალი მედიები.

პროგრამის კურსდამთავრებულს შესაძლებლობა აქვს სწავლა განაგრძოს უმაღლესი განათლების მომდევნო საფეხურზე - მაგისტრატურაში.

სწავლისათვის აუცილებელი დამხმარე პირობები/რესურსები

- სალექციო აუდიტორიები;
- კომპიუტერული კლასები;
- უნივერსიტეტის ბიბლიოთეკა;
- კვლევითი ცენტრი „რომანული ურთიერთგაგება. ინტერტექსტუალური დიალოგი“
- ლინგვისტურ კვლევათა ინსტიტუტი;
- შედარებითი ლიტერატურის ინსტიტუტი;
- არჩევანის გარემოს უზრუნველყოფის სისტემა „არგუსი“;
- სასწავლო პროცესის მართვის სისტემა E-Learning და მასში ინტეგრირებული პროგრამა Turnitin;
- აკადემიური წერის ცენტრი: <https://writingcentre.iliauni.edu.ge/ge/>.